



大方廣佛華嚴經

唐于闐國三藏沙門實叉難陀 譯

唐福州開元寺沙門志寧翻經合論

淨行品第十一

論將釋此品約作四門分別一釋品名目二釋品來意三釋品宗趣四隨文釋義
一釋品名目者何故名為淨行品以無始諸見無明貪瞋癡愛今已發菩提心信樂正法頌翻諸見成其大願長大悲門若但以三空無相對治不生大慈大悲不能成就普賢行故欲行長路非足不行欲行大悲入普

淨行品



賢門充法界行者於一切見聞覺知而無過失便
成萬行莊嚴皆勤修習此一百四十大願門便於
生死海中見聞覺知一切諸行悉皆清淨入普賢
行故故名淨行若無此願設斷煩惱即二乘行故
設是菩薩即生淨土以此一百四十大願門頓能
淨其一切塵勞行門便成普賢法界行故故名淨
行以此大願莊嚴一切世間諸行總為法界一切
道場故名淨行以此諸見成大善根故名淨行二
釋品來意者為明前問明品是成其十信中解放
此品成十信之行故此品須來乃至果行圓滿

已來不離此大願故三釋品宗趣者以智首是下
方頗梨色世界佛號梵智明是一切諸佛灑本自
體白淨無染之智以為能問之人文殊師利菩薩
即是一切諸佛善擇妙慧以為說法之主以一切
諸佛根本智慧之門善自為問答之主伴說一百
四十大願門以成十信十住十行十迴向十地之
十一地等普賢法界無盡行海以本淨智問其妙
慧說其一百四十淨願之門用淨信等六位中染
淨無明七地法執現行十地已來法執習氣佛地
二愚一時總淨於此信心之中不令偏執以願防

之使令寂用無礙故以此諸佛本淨智妙慧門說
一百四十大願以防染淨二障以為宗趣故以六
位上通信并十住十行十迴向十地十一地隨位
修道上煩惱六位中一位上有二十故六位共有
一百二十根本十無明皆因身見邊見二見有二
十共隨位進修染淨煩惱總有一百四十為防此
障起一百四十願令此進修者從初信心理事圓
融使信心者達其願體無虧自心根本淨智妙擇
之慧動寂俱真不偏修故是故華藏世界有如須
彌山微塵數風輪所持其上一切莊嚴因大願風

輪能持萬行以行招果故因以願力堅持報得風
輪持剝故又云如是華藏莊嚴皆從普賢願力起
為無願故行乃不成即莊嚴不現不感無盡依果
報故由是義故信心之上濟性悲智妙慧萬行總
依佛有而為進修不得別有若離佛別有自法者
不成信心不成十種勝解不成修行設苦行精勤
是邪精進勤苦累劫生入天中一念貪瞋一時焚
盡是故此品下文云住去來今諸佛之道隨衆生
住恒不捨離如諸法相悉能通達斷一切惡具足
衆善當如普賢色像第一一切行願皆得具足已

上明宗趣竟意明廻凡所執心境差別業皆成願
海具普賢門四隨文釋義者於此之中義分為二
一科其一品經意二隨文解釋二科其一品經意
者於此一品文義分為十四段

經爾時智首菩薩問父殊師利菩薩言佛子菩薩言
何得無過失身語意業云何得不害身語意業云何
得不可毀身語意業云何得不可壞身語意業云何
得不退轉身語意業云何得不可動身語意業云何
得殊勝身語意業云何得清淨身語意業云何得無
染身語意業云何得智為先導身語意業

論一從爾時智首菩薩已下從云何得無過失身
語意業總有十問於十問中總有一百一十問問
世間三業等如下可知

經云何得生處具足種族具足家具具足色具足相具
足念具足慧具足行具足無畏具足覺悟具足

論二從云何生處具足問十具足中初種族具足
中有二義一、世間即是生族姓家為種族二、出世
間即是生在佛家具佛種姓色相念慧等並是佛
家非世間故

經云何得勝慧第一慧最上慧最勝慧無量慧無數

慧不思議慧無與等慧不可慧不可說慧

知 論三云何已下問十種慧並是出世勝慧如文可

經云何得因力欲力方便力所緣力根力觀察力奢摩他力毘鉢舍那力思惟力

論四云何已下問十種力初因力者所謂生生之中任運能發大菩提力欲力者志樂大菩提心無退失故方便力者以大願善自覺悟不費功力故亦能覺他省功不迂迴故緣力所緣力者能緣所緣不忘共常與大願故根力者大願善根不共故

觀察力者能觀力奢摩他力毘鉢舍那力觀共止雙行二皆自在或先觀後止或先止後觀或即止即觀或即觀即止悉皆自在思惟力者不失正理智常現前故

經云何得蘊善巧界善巧處善巧緣起善巧欲界善巧色界善巧無色界善巧過去善巧未來善巧自在善巧

論五云何已下十問問十善巧初蘊善巧者明同世間五蘊而生不著五蘊之過界善巧者同十八界及三界法生而不染三界法處善巧者三界六

道為處禪定解脫為非處非處皆不離其中而無所深緣起善巧者不壞世間十二緣生處纏不污欲界色界無色界善巧者三界同事而無所著過去未來現在善巧者於過去劫在現在未來劫中現在却在過去劫中三世中互參皆自在故

經云何善修習念覺分擇法覺分精進覺分喜覺分猗覺分定覺分捨覺分空無相無願

論六云何已下十問問七覺三空如父可知

經云何得圓滿檀波羅蜜尸波羅蜜義提波羅蜜毘梨耶波羅蜜禪那波羅蜜般若波羅蜜及以圓滿慈

悲喜捨

論七云何已下十問問六度四無量心如父可知

經云何得處非處智力過未現在業報智力根勝智力種種界智力種種解智力一切至處道智力禪解脫三昧淨淨智力宿住念智力無障礙天眼智力斷諸習智力

論八云何已下問佛十力如父可知

經云何常得天王龍王夜叉王乾闥婆王阿修羅王迦樓羅王緊那羅王摩睺羅伽王人王梵王之所守護恭敬供養

論九云何已下十問問十王守護此明願行所及而招致敬

經云何得與一切眾生為依為救為歸為趣為炬為明為照為導為勝導為普導

論十云何已下十問問云何堪為眾生所依師導如文可知

經云何於一切眾生中為第一為大為勝為最勝為妙為極妙為上為無上為無等為無等等

論十一云何已下十問問云何於眾生中最勝最妙如文可知

經爾時文殊師利菩薩告智首菩薩言善哉佛子汝今為欲多所饒益多所安穩哀愍世間利樂天人間如是義佛子若諸菩薩善用其心則獲一切勝妙功德於諸佛法心無所礙住本來今諸佛之道隨眾生住恒不捨離如諸法相悉能通達斷一切惡具足衆善當如普賢色像第一一切行願皆得具足於一切法無不自在而為眾生第二導師佛子云何用心能獲一切勝妙功德

論十二爾時已下至勝妙功德已來有八行半經明文殊領上一百一十問及歎智首善問

經佛了菩薩在家當願眾生知家性空免其逼迫孝
事父母當願眾生善事於佛護養一切妻子集會當
願眾生慈親平等永離貪著若得五欲當願眾生拔
除欲箭究竟安穩效樂聚會當願眾生以法自娛了
效非實若在宮室當願眾生入於聖地永除穢欲著
瓔絡時當願眾生捨諸偽飾到真實處上昇樓閣當
願眾生昇正法樓徹見一切若有所施當願眾生一
切能捨心無愛著衆會聚集當願眾生捨衆聚法成
一切智若在厄難當願眾生隨意自在所行無礙捨
居家時當願眾生出家無礙心得解脫入僧伽藍當

技

願眾生演說種種無乖諍法詣大小師當願眾生巧
事師長習行善法求請出家當願眾生得不退法心
無障礙脫去俗服當願眾生勤修善根捨諸罪軛割
除鬚髮當願眾生永離煩惱究竟寂滅著袈裟衣當
願眾生心無所染具大仙道正出家時當願眾生同
佛出家救護一切自歸於佛當願眾生紹隆佛種發
無上意自歸於法當願眾生深入經藏智慧如海自
歸於僧當願眾生統理大眾一切無礙受學戒時當
願眾生善學於戒不作衆惡受闍梨教當願眾生具
足威儀所行真實受和尚教當願眾生入無上智到

時

無依處受具足戒當願眾生具諸方便得最勝法若
入堂宇當願眾生昇無上堂安住不動若敷床座當
願眾生開敷善法見真實相正身端坐當願眾生坐
菩提座心無所著結跏趺坐當願眾生善根堅固得
不動地修行於定當願眾生以定伏心究竟無餘若
修於觀當願眾生見如實理永無乖謬捨跏趺坐當
願眾生觀諸行法悉歸散滅下足住時當願眾生心
得解脫安住不動若舉於足當願眾生出生死海具
衆善法著下裙時當願眾生服諸善根具足慚愧整
衣束帶當願眾生檢束善根不令散失若著上衣當

願眾生獲勝善根至法彼岸著僧伽梨當願眾生入
茅一位得不動法手執楊枝當願眾生皆得妙法究
竟清淨嚼楊枝時當願眾生其心調淨離諸煩惱大
小便時當願眾生棄貪瞋癡蠲除罪法事訖就水當
願眾生出世法中速疾而往洗滌形穢當願眾生清
淨調柔畢竟無垢以水盥掌當願眾生得清淨手受
持佛法以水洗面當願眾生得淨法門永無垢染手
執錫杖當願眾生設大施會示如實道執持應器當
願眾生成乾法器受天人供發趾何道當願眾生趣
佛所行人無依處若在於道當願眾生能行佛道向

無餘涉路而空當願眾生履淨法界心無障礙見
昇高路當願眾生永出三界心無怯弱見趣下路當
願眾生其心謙下長佛善根見斜曲路當願眾生捨
不正道永除惡見若見直路當願眾生其心正直無
諂無誑見路多塵當願眾生遠離塵坐獲清淨法見
路無塵當願眾生常行大悲其心潤澤若見險道當
願眾生住正法界離諸罪難若見眾會當願眾生說
甚淺法一切和合若見木柱當願眾生離我諍心無
有忿恨若見叢林當願眾生諸天及人所應敬禮若
見高山當願眾生善根超出無能至頂見棘刺樹當

願眾生疾得翦除三毒之刺見樹葉茂當願眾生以
定解脫而為蔭映若見華開當願眾生神通等法如
華開敷若見樹華當願眾生衆相如華具三十二每
見果實當願眾生獲最勝法證菩提道若見大河當
願眾生得預流流入佛智海若見陂澤當願眾生疾
悟諸佛一味之法若見池沼當願眾生語業滿足巧
能演說若見汲井當願眾生具足辨才演一切法若
見涌泉當願眾生方便增長善根無盡若見橋道當
願眾生廣度一切猶如橋梁若見流水當願眾生得
善意說洗除惑垢見修園圃當願眾生五欲園中耘

除愛草見無憂林當願眾生永離貪愛不生憂怖若
見園苑當願眾生勤修諸行趣佛菩提見嚴飾人當
願眾生三十二相以為嚴好見無嚴飾當願眾生捨
諸嚴好具頭陀行見樂著人當願眾生以澹自娛歡
愛不捨見無樂著當願眾生有為度中心無所樂見
歡樂人當願眾生常得安樂樂供養佛見苦惱人當
願眾生獲根本智滅除衆苦見無病人當願眾生入
真實慧永無病惱見疾病人當願眾生知身空寂離
乖諍訟見端正人當願眾生於佛菩薩常生淨信見
醜陋人當願眾生於不善事不生樂著見報恩人當

願眾生於佛菩薩能知恩德見背恩人當願眾生於
有惡人不加其報若見沙門當願眾生調柔寂靜畢
竟第一見婆羅門當願眾生永持梵行離一切惡見
苦行人當願眾生依於苦行至究竟處見操行人當
願眾生堅持志行不捨佛道見著甲冑當願眾生常
服善鎧趣無師澹見無鎧仗當願眾生永離一切不
善之業見論議人當願眾生於諸異論悉能摧伏見
正命人當願眾生得清淨命不矯威儀若見於王當
願眾生得為法王恒轉正法若見王子當願眾生從
法化生而為佛子若見長者當願眾生善能明斷不

行惡法若見大臣當願衆生恒守正念習行衆善若
見城郭當願衆生得堅固身心無所屈若見王都當
願衆生功德共聚心恒喜樂見茂林藪當願衆生應
爲天人之所歎仰入里乞食當願衆生入深法界心
無障礙到入門戶當願衆生入於一切佛法之門入
其家已當願衆生得入佛乘三世平等見不捨人當
願衆生常不捨離勝功德法見能捨人當願衆生永
得捨離三惡道苦若見空鉢當願衆生其心清淨空
無煩惱若見滿鉢當願衆生具足成滿一切善法若
得恭敬當願衆生恭敬修行一切佛法不得恭敬當

願衆生不行一切不善之法見慚耻人當願衆生具
慚耻行勸護諸根見無慚耻當願衆生捨離無慚任
大慈道若得美食當願衆生滿足其願心無羨欲得
不美食當願衆生莫不獲得諸三昧味得柔輒食當
願衆生大悲所薰心意柔輒得麤澀食當願衆生心
無滌著絕世貪愛若飯食時當願衆生禪悅爲食法
喜充滿若受味時當願衆生得佛上味甘露滿足飯
食已訖當願衆生所作皆辦具諸佛法若說法時當
願衆生得無盡辯廣宣法要從舍出時當願衆生深
入佛智永出三界若入水時當願衆生入一切智地

三世等洗浴身體當願眾生身心無垢內外光潔盛
暑炎毒當願眾生捨離煩惱一切皆盡暑退涼初當
願眾生證無上法究竟清涼諷誦經時當願眾生順
佛所說總持不忘若得見佛當願眾生得無礙眼見
一切佛諦觀佛時當願眾生皆如普賢端正嚴好見
佛塔時當願眾生尊重如塔受天人供敬心觀塔當
願眾生諸天及人所共瞻仰禮於塔當願眾生一
切天人無能見頂右遠於塔當願眾生所行無逆成
一切智遠塔三匝當願眾生勤求佛道心無懈歇讚
佛功德當願眾生衆德悉具稱歎無盡讚佛好相當

願眾生成就佛身證無相法若洗足時當願眾生具
神足力所行無礙以時寢息當願眾生身得安穩心
無動亂睡眠始寤當願眾生一切智覺周顧十方

論十三佛子菩薩在家已下有一百四十大願答
前所問令十信心菩薩常用其心淨其身口意行
如文具明

經佛子若諸菩薩如是用心則獲一切勝妙功德一
切世間諸天魔梵沙門婆羅門乾闥婆阿修羅等及
以一切聲聞緣覺所不能動

論十四最下佛子若諸菩薩有三行經明依教而

行獲其勝益已上以世間有此一百四十種事
頌翻為一百四十種大願再成十信內修行之心
雖是有為之心能成十住已後五位之內理智大
悲之海已後入位萬行之海皆由此一百四十大
願勝上緣力之所能成故若初發心菩薩無此之
願所修解脫皆成聲聞獨覺之行設是菩薩但生
淨土無成佛緣為此教中發心菩薩畢竟達此有
為成其理智如也

淨行品合論終

○總回向文

稽首華嚴真性海
普賢萬行所莊嚴
龍樹龍宮親誦憶
一乘圓頓妙法門
手捧目觀心口誦
見聞隨喜發菩提
十方三世一切佛
摩訶般若波羅蜜

種種光明徧照尊
一切真如法界藏
實又千闍闡微言
見性成佛真秘典
當知夙有大因緣
究竟圓成薩婆若
諸尊菩薩摩訶薩

貞享乙丑夏佛誕生日

諏訪山下入藏沙門獨外徹宗謹訂焉



羨濃屋又右衛門開版

